

之者解用尸牖之无也心靜者道德内充行
 方布術履世歷山神仙遊集救度衆生託形
 凡庶出入市朝薄官易點潛化有心觸之則
 色斯舉矣會之則應感未儀密受奇方功成身
 退或出或處測之者希用堪埴之无也真靜者
 愛身保神不滯不洩兼法執中不屈不折匡
 世救時唯嚴唯功可濟則濟不可則捨適彼
 樂土毗輔諸方計日剋时无虧无替周歷四
 遠帝君以下至于兆庶教之喻之不憚不休
 運昇乃已人莫之知用三十幅之无也弘此
 三无成一妙有上學之師於茲乎在也

洞真太上太霄琅書卷之四

洞真太上太霄琅書卷之五

師資行事

書經訣第十一

凡得經有已皆應更書先者為鎮供養而已
 今所寫治精加校定豐財是力各立三通一
 為長鎮一為供齋一為研習研習者嘗自隨所
 住室中別置格上躬自出入不得使他若家人
 弟子同蒸至心可得使之亦勿全委非其故
 為怠慢學淺識解未精或致忤禁彼此受殃
 明詳謹慎納吉防凶寫經之時皆修清齋法
 當手書與師易本或在門伏膺雜役不暇自
 書或未開筆墨或遲拙不精富者可以金帛
 顧人貧者聽得傭夫聚直必借妙迹不可苟
 營文字訛謬圖象失形並有考罰福豈爰臻
 經中有圖圖或別卷各有侍官典圖真吏玉
 童玉女與經略同不可逐易避難起經素圖
 象誤許洗治一紙不過三五層簡素一紙亦不
 過三過三皆易火淨所誤連染剪齊首軸帶
 袂囊蘊中把厨箱令堅完淨而已不得過華
 世間教化世捨華華未能捨權制用華使

左

世間人損俗華麗華嚴供法漸識素方得素
 後華自然不壞不求自得不為自成自然而
 然莫能使之不然緣素果此勿滯俗華臺臺
 行裝各有豐儉富貧相稱不得強為富者強
 陋貧者疆華華奢陋儉皆非道制道制貴中
 内外相應非意去失首謝愆尤清齋懺悔各
 依太真之科久壞改易具如太真之法香燈
 禮拜專修唯精精必成聖與道合真也

啓告訣第十二

弟子因緣憑師請法宜傳付者先使寫經圖
 錄已竟擇日結齋齋時啓告大略如左
 齋法雖多皆准三元三元齋科包羅諸法授
 受上經同用上元其間所啓事源隨時消息
 改易簡要勿繁也
 凡齋啓告先治辭牒不可闊漫率略千真為
 牒之宜先稱某國號某年太歲某月朔某
 日某時某州郡縣鄉里某位男女官祭酒道
 士先生真人元君夫人姓名今於某州郡縣
 鄉里山舍治館官府第宅就某州郡縣鄉里
 男女道士法師姓名受大洞真經目錄如左

洞真部卷第如干以次書之緣都得者謹依第至後緣偏得者未宜并授隨宜出之不須卷第直舉篇名多少依實一二條之右如干卷合對齋啓告傳度謹牒

某州郡縣鄉里某位姓名辭幸籍善緣歲奉

玄極參受寶文誠懽誠慰安以短命志願長生會進忘退遭逢嘉辰乞請受前件如干卷依科交費某等如干種法信奉辭以聞伏願師君賜垂許誓心修行不負師道有違之日自分風刀不敢有怨一休明科謹辭

太歲某某月日時於某山舍奉

傳諱訣第十三

凡傳經寶要在存師師之所師所師之師三人鄉居男女位號姓名字年傳經處所付授弟子黃素書之佩帶自隨不可去失去失謫罰皆如太真之科不常帶者附著經中別以巾蘊裏結令堅師所師玄師師青童大君又有小君存此二君禮願如法

法信訣第十四

法信出科科與經異師師口訣各有因緣時

科事單所以不同懷疑或從師施行若無師者燈玄有儀依格出信不得有違卷卷別受科科稍傳經科相參師資量雖以輕易重以易除難要當思想物儀不乖其方因緣能得頓受者所用如左

- 一上金九兩
- 二紫錦百二十尺
- 三五色紋縐各四十尺
- 四白素一千二百尺
- 五紫紋二十四丈
- 六命絲支干相入紋縐隨年疋丈又
- 七五色絲各三斤
- 八五種香各九斤
- 九玉龍玉魚各三軀
- 十金龍金魚各五軀
- 十一玉鷹玉羊各一軀
- 十二金鷹金羊各一軀
- 十三玉札三枚
- 十四金環銀鐐各九雙
- 十五真珠如梧子大三百六十枚

正一天師清微子洪百堅製作 道教學術資訊網站

- 十六五色綿各依方斤數
- 十七大度紙三百六十幅
- 十八筆五雙
- 十九龍頭書刀五枚
- 二十紫蓋紅裏一張三副朱陳頭子金銀文具
- 二十一青蓋碧裏五張三副烏漆頭子牙銅文具
- 二十二明鏡一面徑尺者不
- 二十三法服冠履手板一具指取中
- 二十四淨壺與盞各一枚金銀銅瓦夾紵隨時

右二十四種其受經法信此二十四物各有所應積聚營之不可闕一窮地之鄉許用他物唯類充補擬議勿乖又无即充可注今關其物須受法之後營覓補備結齋之始授辭之初便應備辦諮啓師尊有无法真都定書之續置經目之後連在辭文之前啓告之初并讀至後臨度經時出官奏表又具言之慎勿忽略也師受此信依按明科施用必得其所彼此共保成真若應玄盟亦按此法准採金書之後散施之儀經書不具勿用此訣大人上志精

詳遵承也

太真九科第十五

太上太真王制科成諸法布在衆經或前或後覽者不別宜尋尋本文本文三卷師之所秘得之密習爲天人師今此大要標略有九九天真人所遵用教化无之動靜陷然若有賢明智慧之士求受實經當示以要律授受之宜依用九條觸類求之无所不具自非体真勿妄增損三洞衆經共准体按太極真人西城王君仙公卿士高才大人皆實秘之慎無泄矣

第一科曰齋竟授戒授戒之後按儀儀傳經傳經之年即爲期限以制心期以見道道爲衆妙之主觀妙必觀其宗除欲爲上少欲次之深淺隨才優劣依德德量无崖大分有六第一四萬劫第二四萬年第三四千歲第四四百齡第五四十載第六正四周周劫限竟得傳一人至平九人明道之尊德之貴也運促時急大意廣救遇賢便傳不拘定數但初受須微限中求驗若者內逢陰爲凶所逼智

力不能化避須以避災所得之旨在乎心中无滯卷軸致傷玄真若威勢所制使迫脅本自度後能治彼以全初志者乃可請師整頓彼意不能如此以死絕之慎勿殺辱本師毀棄正道若智力不能辦勿強云欲治之不度德不量力滅身命无成功徒增罪耳善宜三思若意外去失不自覺知或劫賊所掠弗測存亡皆長齋懺悔捨身命財憑師積年竭盡單款无生怨念乃更受之受之三失勿復苟受宜加懺悔至到感靈然後更受必登道真无感徒受受終无所成爲後作因受勝不受受之不己心神轉易初雖无成終亦得道

第三科曰信素證心炳發妙義必令精好以理得之正分所辨撰書密營不可誇談勿生恡惜慎莫邪求換乞強索竊略所得自以爲功更增欲謫无福可期師受善用三分之一分爲弟子營齋助贖香油經籍一分救諸山栖幽苦一分供師法服精蔗奉給三尊不得私散散之依法无起慳心不可貪聚招禍累身損道辱法取誦人神權急偏濟時宜并用先啓三寶後計補充有違招考竊盜律論重罪同墮者依十二科法

第二科曰受經之後請師訓舍光內皎不傳得炫耀年限既竟乃得傳贖贖不易有不可妄傳非其人彼此風刀上延先祖下逮子孫惡深絕種長充鬼徒若限內有災或家門喪死公私闕諱血傷牢獄水火盜賊重病輻輳年限雖過不得傳人正當謝罪懃立善功告樂如期乃可有授若三尊壽考連數昇度或非罪无辜橫羅縲紲此皆无妨依期得傳

第四科曰受經之後仕禮无虧若遭病急非意公私事礙致闕迴後即謝啓悔懃悚竭洗丹衷若浮游濛泆逐樂驕慢違誓之疊長陷罪都

第五科曰法應是齋未能者擇其吉會申其誠心年有六月有十直又不能全者朔半及晦四時八節本命生日隨所堪修不可都廢廢則无功忘道棄法招延凶災非意破齋即應懺謝重犯不悔後墮厲群興之无辭不破不退存道揚法物我兼通成聖有期受號

玄德長齋月正月三月五月七月九月十一月一年六月皆用奇因陽之盛連陰之功屬各有日一月五十五辰一八十四五十八二十三二十四二十八二十九三十日

第六科曰齋讀經戒諸練誦習講說宣明日求妙解解必行之勿犯所解犯即懺謝不可重為行生存文不得怠忘若隱閉自知欺罔人物不戒成敗頰答諸疑厭問嫉勝漫瀾說辯或虛解詐知嘖嘖誤衆破壞文句增減篇章妄造邪議苟生異端違真越正皆致深殃

第七科曰宣揚經戒建德立功濟人成已勸化為上執正開通无生矯假方便利益須智慧才未深達不可輕行非方便便使入妄言但依實言引導同心俱歸師門看經讀戒證明妙理起發善心使預齋觀化令聞見福緣歡喜相順和而成功不得呵責忿激增怒譬喻誘進弗可強牽將護節量剛柔取衷一與奪種種潤之確迷不轉及於勿恠慈悲无已不生棄心得善知識普俱登玄貴師愛資克果上真

第八科曰師懲弟子平等一心无所偏頗賞罰必明罰以止惡賞以勸善纖毫无遺洎亦勿諉諉偏被災凶顯重考

第九科曰弟子恭慎事師无二寡動少言沈懿靜篤伺候師顏諂稟妙訣忌樹効績輔讚三寶專心竭力奉命使行水火不避遠近弗辭疑即啓審許革則悛不許仍從有殞无避師試弟子令其心堅登道入真階級優劣使其識悟日分所之督勵彌精克弘至道凡師感神薄不可妄試人聖明之師試无損敗吉凶逆順一隨明師若遭惡師法无惡惡由已招死不得怨正應自責改往修來若猶豫疑師不宜奉事事則順從不得違逆則失道永嬰塗炭明各慎始勉勵令終

右九科九宮真人申明此要十方已得道无量大聖衆咸共遵行拯度一切

洞真太上太霄琅書卷之五

洞真太上太霄琅書卷之六 齋戒要訣 左

為同義救厄疾謝罪請福齋出官訣第十六
 師徒長齋无事不解有人告急皆啟解齋人來及往皆依科制三元出官常所施用貴賤疾厄公私非常悉備壇堂及得密室或在闕庭或就山水白日夜半隨時量宜唯貴清淨不雨不風不寒不熱不喧不驚或積風雨時應熱寒不得避之要存隱寂壇庭立幕門門周席經座香檠然燭連燈三十二人出嗽呪

一如常法出官異於三元今書立成為主知左出官儀

謹出臣甚妾等身中无為直齋左右功曹各百二十人出

无為輝神太初直齋功曹百二十人出

无為太極直齋功曹百二十人出

无為太素直齋功曹百二十人出

高上玉清元皇直齋功曹百二十人出

无極玉清玄上直齋功曹百二十人出

无極太清三十六直齋功曹百二十人出